



Ioannes ille Friburgi in Brisgaudia natus & educatus est. Postea uerò ut commodius literis operam dare posset, Dominicanorum ordinẽ ingressus est. Ibi diligentissimam operam studijs impendit, ut breui tempore philosophus, iureconsultus, & Theologus dici & haberi cœperit. Vitæ etiam innocentia erat insignis. Itaq; factum ut propter eruditionem & sanctitatem Episcopus Bossi nensis in Vngaria electus fuerit. Cum autem in ea dignitate aliquandiu perseverasset, atq; factum cleri aulæq; negotia fastidiret, Episcopatum reliquit, atq; ad suum ordinem rediit. In eo postea decedente Raymundo Generalis magister constitutus est,

sub Friderico secundo Cæsare, anno post natum Christum millesimo, ducentesimo, quinquagesimo. Inter alia modum confitendi composuit, atque opus libris quinque distinctum Summam confessorum inscripsit. Tandem moriens in conuentu suo Argentinensi sepultus est, ubi etiam aliquot miraculis claruisse fertur. Trit.